

Gaita X-clusivo ta ON cu bautismo di CD

Diasabra anochi na Mr. Jazz



ORANJESTAD - Gaita X-clusivo kier a invita henter pueblo di Aruba na bautismo di nan di dos CD "Ata nos un biaha mas" cu ta bay tuma lugar den Mr. Jazz, Diasabra awor 21 di November 2009 pa 9or di anochi. Durante e anochi aki lo presenta e madrina y padrino di e CD nobo sigui pa un tremendo show cu nan a prepara caminda cu lo estrena tur e 9 temanan di e CD nobo. Tambe ta bay tin champaña y snacks on the house. Gaita X-clusivo ta un Grupo di Gaita Nobo y ta consisti di hobennan dinamico y hopi

talentoso. Esaki ta bay ta e di 2 aña consecutivo cu Gaita X-clusivo lo ta presentando nan dushi musica di fin di aña y compañía pa un tremendo ambiente di Pasco den un manera diferente y cu ritmonan moderno. Simplemente e anochi aki ta bay ta exclusivo. Wak pa bo no perde. Lema ta Gaita X-clusivo ta on, Asina ta Aruba completo mester ta ON. Si acaso cu bo persona ta desea pa Gaita Exclusivo presenta dilanti bo negoshi, cena di Pasco of pa cualkier evento special cu bo lo ta realizando, tuma contacto

cu Suhail Kock manager di Gaita X-clusivo na 5924838 pa mas informacion. Di parti Gaita X-clusivo nos kier a gradici bo persona di antemano pa bo presencia

pa asina hasi e bautismo uno special y Exclusivo. Tambe nos no por keda sin menciona tur esnan cu a duna un man pa awe e production aki por ta ariba mercado pa pueblo

di Aruba. Di curazon masha danki pa pone boso confianza den nos grupo y cu Fe den Dios, e relacion aki lo por sigui pa asina produci hopi produccion mas.

SHWBIZ KLIP


BON DIA



Gaita X-clusivo ta “on” y ta presenta su album completo cu ya caba ta riba mercado

Den siman nos a haya contacto cu dirigente di e grupo aki esta Suhail cu tin bao di su encargo Gaita X-clusivo y e la duna nos di conoce cu nan ta trahando for di luna di mei caba riba e proyecto aki cu finalmente ta haya lus di dia. Den nos combersacion masha amenos y cu alaves nos a haya un copia di nan album, Suhail ta bisa di ta masha contento cu e producto final y cu ya caba e prome 4 cahanan di 25 Cd a bay caba y a cuminsa haci un otro order p'asina por complacer e grupo grandi di fanaticonan cu ta sigui nan. Ki ta nan secreto mucho e no a divulga, pero si e la duna di conoce cu ta nan ritmo y sabor ta loke ta haci cu awor aki nan tin un agenda basta preta di presentacionnan rond di Aruba. Pa cuminsa nan kier a invita henter e comunidad di Aruba n'e bautiso di nan di dos album cu nan a yama “Ata nos un biaha mas”. E anochi aki lo tuma luga den e luhoso Mr. Jazz y esaki ta programa pa mayan diasabra

21 November 2009 pa 9'or di anochi, durante e anochi aki lo presenta e madrina y padrino cu lo bendiciona e produccion aki y despues lo sigui un presentacion special cu Gaita X-Clusivo a prepara cu lo contene nueve (9) tema cu ta aparece riba nan produccion nobo. Sin duda cu den un celebracion asina importante no por falta e kelki di champaña y e pasa bocanan lo ta “on the house”.... Manera tur hende sa Gaita X-clusivo ta un grupo di Gaita practicamente nobo cu ta consisti di hoben masha dinamico y hopi talentoso. Esaki t'e di 2 aña consecutivo cu Gaita X-clusivo ta presenta nan musica dushi contagioso di fin di aña y compañoando asina e temporada mas dushi di aña unda cu e famia y amigonan ta topa p'asina celebra e aña cu a pasa y yama bon bini e aña cu ta yegando. Ambiente di Pasco ta nos isla ta algo unico cu nos ta experiencia di un forma hopi diferente cu nos ta celebra esaki compaña p'e ritmo di tambu, furuco, wiri, raspa cu ta harmonisa e ritmo di fin di aña cu sonidonan moderno plus instrumentonan electronico cu ta caba di complenta loke awe Gaita X-Clusivo. E lema ta Gaita X-clusivo ta on, ta e ritual cu nan tin na cada un di nan presentacion... Manera nan mes ta bisa Aruba completo mester ta “ON” y si bo ta desea pa Gaita X-clusivo presenta dilanti bo negoshi, cena di



Pasco of na cualkier evento special cu bo ta preparando bo por tuma contacto directo cu e simpatica Suhail Kock cu ta manager di Gaita X-clusivo na telefon 5924838 pa mas informacion. Di parti Gaita X-clusivo nan kier a gradici e comunidad p'e respaldo p'e grupo como tambe ta probecha e oportunidad pa invita'bo p'abo ta na Mr.Jazz, alavez nan ta gradico esnan cu a aporta n'e produccion final cu ya caba ta riba mercado.

Di curason Gaita X-clusivo kier a manda su palabra di danki pa pone boso confiansa den nan grupo y cu fe den Dios, e relacion di musica, ambiente y ritmo di fin di

aña nan por sigui produci mucho mas produccionnan di e genero aki. Clausurando nan kier a bisa un biaha mas danki di curason, di parti di Gaita X-clusivooo!!!!!!

